



**JUDICIAL SYSTEM MONITORING PROGRAMME
PROGRAMA DE MONITORIZAÇÃO DO SISTEMA JUDICIAL**

KOMUNIKADU IMPRENSA

Periodu : Juñu 2009

Edisaun : Juñu 2009

**ARGUIDU NA'IN TOLU HUSI KAZU WATU-LARI HETAN KASTIGU
PENA PRIZAUN NO NA'IN RUA HETAN ABSOLVISAUN**

Kazu Uato-Lari ne'e hanesan kazu sira seluk ne'ebe akontese após eleisaun geral. Kazu ne'e relasionadu ho arguidu na'in lima ne'ebe hetan akuzasaun halo disturbiu, estragus ema seluk ninia sasan iha distritu Viqueque:

Arguidu na'in lima iha kazu Uato-Lari ne'e akuza ho artigu:

- (a) Halo violensia kontra ema no prosperiedades ema seluk nian (artigu 170 Kodigu Penal Indonesia), no
- (b) Ho hakarak rasik halo aksaun violensia hasoru ema ou prosperiedades ema seluk nian (artigu 187 Kodigu Penal Indonesia)

Hanesan kazu sira seluk ne'ebe povu hein no liu-liu vitima sira ne'ebe kona impaktu direta husi akontesimentu ne'e espera atu hatene kle'an desizaun final husi tribunal. Relasionadu ho ne'e iha segunda feira dia 08-Juñu-09 Tribunal Distrital Baucau le'e tiha ona desizaun final ka leitura da sentensa iha sala julgamentu ba kazu refere. Ema barak marka prezensa iha tribunal refere. familia husi arguido no kolega sira, halo autoridade polisia PNTL nomos UNPOL toma atensaun hodi antisipa possibilidade karik sei iha aksaun violentu ou sel-seluk atu akontese (*huru hara*).

Alem de familia no kolega sira husi arguidu inklui mos observadores husi ONG internacional no nasional. Observadores sira marka prezensa iha tribunal antes

desizaun ka leitura da sentensa hahu le'e. Hanoïn katak kazu ne'e tama iha kategoria kazu ne'ebe seriu nune'e hetan atensaun maka'as husi entidades sira.

Leitura da Sentensa hamutuk pagina mais ou minus too folhas 4 ne'e le'e husi Juiz Presidente Dra. Edite Palmira iha lian tetum ba arguido nain lima nebe maka tur tui-tuir malu iha Juiz nia oin. kontiudu husi sentenca ne'e haktuir sirkumstansia faktus no buat balun nebe maka provados nomos ne'ebe mak la provados nebe hetan husi rezultadu prosesu julgamentu durante rona deklarasaun no depoimentus husi partes sita hotu.

Faktus nebe maka temi regula katak arguido nain lima refere balun maka involve iha (*kerusuhan*) Viqueque ne'ebe causa uma atus resin ahi han hotu no too akontese material barak rahun signifkante tebes. Causa husi aksaun ne'e vitima sira tenke sai hanesan refugiadus tanba lakon uma atu hela.

Kontiudo husi leitura da sentensa refere mos haktuir katak, arguido sira iha dia 8 de Agustu 2007 la'o hale'u fatin-fatin iha área ne'eba no halo agitasaun ba ema sira atu aksaun sunu uma sira noa halo disturbu ba ema seluk nia sasán.

Maibe ikus mai tribunal la hetan provadus katak arguido na'in lima ne'e hotu maka provadu duni halo aksaun disturbu no sunu hanesan iha alegasaun final. Tribunal somente hetan deit iha serteza katak arguido na'in tolu provadu duni nu'udar atór materiil ba kazu ne'e. Hodi nune'e tribunal decide atu fo sentensa ho pena ba arguido ho inisial LP, MG no D ho pena prizaun kada ida-idak tinan tolu, nune'e arguido sira seluk hanesan HC no GD tribunal decide atu fo absolvisaun husi alegasaun no responsabilidade legal ba kazu ne'e.

Arguidos hotu iha inisiu Ministeriu Publiku akuza ho artigos rua maka art.170 KUHP no art.187 KUHP. Maibe depois de prosesu nee too iha fim Juiz koletivo

foti konkluzaun katak art.170 elimina tiha husi akuzasaun tanba lala'ok krime ne'e la priense kriteriu husi art. ida ne'e. Tanba ne'e, tribunal samente uza deit art. 187 hodi kondena hahalok husi arguidu na'in tolu refere.

Tuir observasaun JSMP ba kazu ida ne'e katak sentensa husi tribunal refere kma'an liu duke akuzasaun ne'ebe mak Ministeriu Publiku akuza liu husi alegasaun oral iha audensia ikus liu iha dia 6 Maiu 2009 liu ba. Iha audensia ikus nian liu ba ne'e Ministeriu Publiku iha nia alegasaun alega no husu ba tribunal atu arguido GD no D fo pena ne'ebe balansu ho sira nia hahalok katak, pena kastigu ba sira la bele menus husi tinan 5 fulan 6 kadeia. Nune'e arguidu sira seluk husu ba tribunal atu kondena sira ho pena ne'ebe kma'an la bele a'as liu husi tinan 5 kadeia.

Alen de pena tinan tolu kadeia ba arguidu nebe maka temi iha leten, tribunal mos husu (*menuntut*) atu arguidu sira mos selu taxa da Justica ka kusta judisiais ho valor osan \$ 5 ba tribunal. Depois de leitura da sentenca, arguidu sira sai husi sala Julgamentu hodi hasoru sira nia advogadu Dr. Arlindo Sanches maibe advogado fo hanoin ba sira, nune'e sira idak-idak fila ba sira nia uma.

JSMP Seidauk konfirma loloos katak arguidu sira atu halo rekursu ba tribunal rekursu ou simu deit ona no satisfas ho laran luak ba pena tinan 3 ne'e no hala'o deit iha kadeia. Iha parte seluk JSMP observa mos katak parte Ministeriu Publiku ladu'un satisfas ba desizaun tribunal ne'e. Sekarik nune'e Ministeriu Publiku mos sei halo rekursu ba desizaun tribunal ne'e.

Atu hetan informasaun kle'an favor kontaktu:

Luis de Oliveira Sampaio

Direitor Ezekutivu JSMP

Diresaun e-mail: luis@jsmp.minihub.org

Landline:3323883